

Juan Kepegin Karta Nermajad

1 Juan

Imi Juandin Jesús-chapingan-walambe-kakabogwad-walgwen. Tenal Pab-Purpa-Nuedbal Juandin, Juan-karta, tegin 1 Juan, 2 Juan, 3 Juan, tegin Apocalipsis-karta nermasbal.

Imi Juan kwenadgan-okannosmal nuekwa Pabbak naigugal. Tenal kwenadgan iskuedgin arkwatchal, tenal pukib-itogedgin Pabga aga iskued palchogzhal, Pab ilgwen kwenadganga iskued elio. Tenal Juan oyosbal Jesúsdin, Pab-Tummad-e-Machi-chunnad. Tenal tule-Pabbal-naigusmalad napírra naneenabmal, tenal tule chunchunnad Pabbal naigusmalad, kwenadgan-pimalad-pilalmal. Tegin Juan anmalga chunmasbal anmal igi nabir wisgumalo tule chunchunnad Pabbal-naigus o chul-dewa. Pitomalgu.

Jesús e-chunmakedbal purpal tule-otuloged

1 Imi tule-walgwen
e-kakapurwabal tule-otuloged.
Tenal tule-an-chogzhad kepe-sagla-
akar mai. Tegin anmal ual we
tule-itosmal, tegin anmal imial we
tule-takchamal, tegin anmal nued
we tule-takchamalbal pél immal
imas, tegin anmal chunkalgin we
tule-ebusmalbal. Al anmal we
tuleginbi chunmananimal, wedin
kaka-kwadigal-chul. We tuledin,
Pab-Machi-Jesucristo.

²Tenal tule-otuloged nononigu,
anmal sanal we tule-takchamal,
tegin anmal we tule-taktiidbal kin
chunmadimal. Al anmal pemalga
ilagwen-nadgu-tule-otuloged-
palchognanimal. Tenal we tule Pab
Tummadbak kudii, tegin anmalga
sanal nononibal.

³Tenal anmal ual-itojadbal tegin
anmal imial-takchadbal pemalga

chunmananimal pemal anmalbak
aiyagwal mecha-kudigugalgo.
Tenal anmal Pab Tummadbak tegin
e-Machi-Jesucristobak, aiyagwal
mecha-kudimal.

⁴Tenal anmal pelallé naga
ulubgin weligwal-itononigal, anmal
pel-kwapa immalmal-kujadgin
pemalga nermajii.

Pab Tummad tule- chwilidikid, neg-taledyob

⁵Imi anmal-ual-Jesús-chunmajad-
itojad an pemalga kartagin
palchognaibal: tenal Pab Tummad
neg-talgunaidyob immal-akaloed
kwen nikchul, tegin neg-chichid pel
nikchulbal.

⁶Imi anmal chogel: “An Pabbak
mecha-kudii,” tenal an ampa
immal-akaloedgin nanediil,
antin, an kakanzhenai, an igal-
chunchunnadgin kwen nanejul.

⁷Tenal anmal Pab Tummadyob
immal-akalodijulil, anmal neg-

taledgin kudimo. Al anmal aga emal-emal mecha-kudiguo, tenal Pab-Machi-Jesús-e-abé pel-kwapa-anmal-iskued elibalo.

⁸Tenal anmal chogel: “An iskued kwen nikchul,” anmal naga tukin yordanai, tenal Pab-igal-chunchunnad anmalgin kwen maichul. ⁹Imi Pabdín tule-innikigwad tegín tule-napírragwad-choggú, al anmal naga tukin Pabga iskued palchogzhál, Pabdín anmalga iskued-pelgus chognoníko, tegín Pab pel-kwapa-immal-akaloed-akar chwiliimakal anmal-imanonibalo.

¹⁰Tenal anmal chogel: “An immal kwen akalodijul,” antin pato chognai Pabdín kakanchili, tenal Pab-kaka-nuegan ampa an-ulubgin kwen maichulbal.

Pab-Jesús anmal-irwal-chunmaked

2 An-nuskan-pilalmalad, imi an pemalga weob karta nermasdo pemal melle iskuedgin arkwanmalgal. Tenal meke-ibi-tule iskuedgin arkwannonikil-dewa, anmal tule-walgwen-nika, anmal-irwal Pab Tummadga chunmagal. Wedin tule-chwiliimakaled-Jesucristo.

²Tenal Jesucristo aga tukin chan ukcha, anmal-anal iskued penukkal. Tenal anmal-iskuedgabijul, tenal Jesús aga chan ukcha pel-kwapa tule-iti-nap-naid-ugakche-pukmaladga, iskued penukegal.

³Tenal anmal Jesús-igal-mezhijad-pallí naneel, anmal pato wismaldo, anmal chunchunnad Pab-wisgunomimal. ⁴Imi tule chogel: “An Pab-wiis,” tenal we tule ampa Jesús-igal-mezhijad-pallí nanejulil, tule-kakanchili, tenal we tulegin Pab-igal-chunchunnad kwen maichul.

⁵Tenal meke-ibi-tule Jesús-chogzhad-pallí naneel, we tule napírra Pab-pilalgunoni.

Tenal anmal Jesús-chogzhad-pallí nanemalal, anmal kep wisgunoniko, anmal chunchunnad Jesúsbak mecha-kudii. ⁶Tegin meke-ibi-tule chogel: “An Pab-Jesúsbak mecha-kudii,” tenal we tule keg-chulgu Jesús-nanediidyob naneed-wilubmo.

Kwenadgan aga emal-emal pilalguenabmal

⁷Kwenadgan-pilalmalad, imi an pemalga karta nermajiid igal-pin-chul, wedin igal-akpenegwad. Tenal we igal pe kepe-saglagin abingasmalad.

⁸Tenal tule Pab-wisgudanimalal, neg-chichidgin neg-talgudanikidyb. Al an pemalga igal-pin chog-choggalbal. Tenal we igal-pin Cristogin tegín pemalbal chunchunnad mag taklenoni.

⁹Tenal meke-ibi-tule chogel: “An Pab-wiis, tule neg-taledgin kudiidyob,” tenal we tule ampaistar aga kwenad-takel, we tule Pab-kwen-wichul, tule ampa neg-chichidgin kudiidyob kudii. ¹⁰Tenal meke-ibi-tule aga kwenad-pilalel, we tule neg-taledgin-kudiidyob Pabbak kudimo, tegín iskuedgin-arkwaneed kwen nikchulbal.

¹¹Tenal meke-ibi-tule istar aga kwenad-takel, we tule neg-chichidgin-kudiidyob kudii, Pab-pel-kwen-wichul, tegín pel kwen wichulbal igi pul-nabir nanegal. Al we tule neg-chichidgin pipirmadiidyob kudii, wichul pia natap, neg-chichid tarbi imia-okijadyob.

¹²Nuskan-pilalmalad, imi Pab Tummad Jesús-nuggin pemalga iskued-pelgus chogzha-choggú, al an pemalga karta wis palmijii.

¹³Pabgan, imi pemal kepe-sagla-akar-Jesús-maid-wismal-choggú, al an pemalga karta wis palmijii.

- Machi-chapingana, imi pemal nia-Satanásgin nakwis-choggu, al an pemalga karta wis palmijimo.
- Nuskan-pilalmalad, imi pemal Pab-Tummad-wisgus-choggu, al an pemalga karta wis palmijimo.
- ¹⁴ Pabgan, imi pemal kepe-sagla-akar-Jesús-maid-wismal-choggu, al an pemalga karta wis palmijimo.
- Machi-chapingana, imi pemal kal nikadbal, tegin Pab-kaka pegin maidbal, tegin pemal nia-Satanásgin nakwis-choggu, al an pemalga karta wis palmijimo.
- ¹⁵ Imi pemal melle iti-napkin-nanemalad-igal pilalgo, tegin pe melle iti-napkin-immalmal-pilalgumalbalo. Tenal tule iti-napkin-nanemalad-igal-pilalel, Pab-Tummad-kwen-pilalzhul.
- ¹⁶ Tenal tule e-chandal peiguijil iskuedgin nanegal, tegin imial-immal-takedbal peyedzhe immal peigujibalil, tegin immalmal-nikadbal tegin immal-immajadbal aga nug-otummoel, e-pinzheddin Pab-Tummad-akar kwen tanijul, tenal iti-napkined-pinzhed-akar tani.
- ¹⁷ Tenal iti-napkined-igalmal pél pelgumaio, tegin tule-iti-napkin-immal-peigued pél pelgunonimogo. Tenal tule Pab-peiguijidbal immal imakel, ilagwen-nadgu peio, pal kwen pelguojul-kuo.
- Juan tule-Pab-kakapurwa-akalomaladgin chunmajad**
- ¹⁸ Nuskan-pilalmalad, imi neg-tuku pato omodani-choggu, al pe-apkene-neg-itojadyob pato kunai. Imi tule-yami-Cristoyob-toqed pato omodani, tenal we tule Cristobak-aichulid. Tenal tule-yami-Cristoyobid pato ichejul nonimal.
- Tenal we tulemalbal pato mag taklenoni neg-tuku omodani.
- ¹⁹ Tenal tule-yami-Cristoyob-tognonimalad anmal-akar nodmal, tenal we tulemal chunchunnad anmal-pakamalad-chul. Imi we tulemal chunchunnad anmal-pakadilen, anmal-akar kwen noszhulin, anmalbak pesmalan. Tenal we tulemal pel-kwapa anmal-akar nosmaladbal, mag taklenonimal, anmal-pakamalad-chunchunnad-chul.
- ²⁰ Tenal Cristo pemalga Pab-Purpa-Nued-chwilidikid-ukchachoggu, al pemal igal-chunchunnad wismal. ²¹ Tenal an pemalgin kwen chogzhulmal, pemal igal-chunchunnad kwen wichulmal, tenal an pemalgin chogdo, pemal igal-chunchunnad wismal.
- Tegin pemal wismalbal, kakandin igal-napírragwad-akar kwen tanijul. Al an pemalga karta palmiji.
- ²² ¿Tegin toa-tule kakanchilijun? Nabir. Imi tule chogel, Jesús Pab-apkene-chogzhad-palmidagoed-Cristojul, we tule kakanchilido. Tenal tule-yami-Cristoga-togdanikid chogdo: “Jesús, Cristojul.” Tenal we tule weob chogzhadbal pato chognai: “Pab Tummaddin Pabzhul.”
- ²³ Imi meke-ibi-tule chogel: “Jesús, Cristojul,” we tule Pab-Tummad-kwen-nikchul. Teginbal, meke-ibi-tule chogel: “Jesús chunchunnad Cristo,” we tule aga ulubgin Pab-Tummad-nika.
- ²⁴ Imi pe kepe-saglagin Pab-kaka-abingasmaladgin pe pane-pane pinzhedio, pe melle igemalo. Tenal an-chogzhadyob pe nanemalal, pedin ilagwen Pab-Machibak tegin Pab Tummadbak mecha kudiguo.
- ²⁵ Tenal Pab-Jesús anmalga kaka-ukchado, anmal ilagwen-nadgu tullegal.
- ²⁶ Tenal tule-pe-yardabi-kudanikidgin an pemalga pél pato chogzha. ²⁷ Tenal Pab pemalga E-Purpa-Nued-ukchadbal, tegin

E-Purpa-Nued pegin mamikidbal, pemal tule-kwen-napijulmal pemal-oturdagal, piti-igal pul chunchunnad. Tenal Pab Purpa Nued e-itelegedbal meke-ibimalagin pemal-oturda. Tenal Pab Purpa Nued ib-chunchunnadgin pemal-oturdabal, kakanzheedgin chul. Al Pab-Purpa-Nued-pe-oturdajyob pe Jesucristobak mecha kudiguengabmal.

²⁸Nuskan-pilalmalad, imi pe Pab-Jesúsbak mecha kudigumalo, Pab-Jesús-tanikid omojal, pemal aga ulubgin akalzhul-itogal, tegin pemal nued-kudiidbal melle Jesús abin pinkegumalgalbal.

²⁹Tenal pemal nued wismaldo, Jesús napírra-immal-imaked-tule. Al pe takmogal tule napírra immalima, pemal pato wismaldo we tule Pabgin purpal mimmilesmal.

**Kwenad-pilaledbal
mag taklenonikoed
Pab-nuskan-chunchunnad**

3 Imi pe takto, Pab Tummad pela-pela anmal-pilalmal, e-nuskanga anmal-imas. Al anmal Pab-nuskan-chunchunnaddo. Al tulemal-iti-napkin-pukmalad, Pab-kwen-wichulmaladbal mag anmal-kwen-takchulmal.

²Kwenadgan-pilalmalad, imi anmal chunchunnad Pab-Tummad-nuskando. Tenal anmal ampa kwen wichulmal kujaldin igi kutapo. Tenal anmal nued wismaldo, Pab-Jesús iti-napche kannan tanikil, anmal sanal-Pab-Jesús-takmalloedbal Pab-Jesús-yopí kunonimalmogo. ³Imi tulemal-pel-kwapa-Pab-Jesús-yopíkuo-pinzhedimaladdin, aga tukin chwylimakal imananimal, Pab-Jesús chwylimakal kudiidyobmo.

⁴Tenal meke-ibi-tule iskuedgin kudiil, Pab-igal-mamikidgin walmas. Tenal tule-iskued-chunchunnaddin Pab-igal-mamikidgin-walmaked.

⁵Tenal pemal wismaldo, Pab-Jesús noni tule-iskued eligal. Tenal Jesús iskued-kwen-nikchul, tule-chwilidikid. ⁶Tenal meke-ibi-tule Pab-Jesúsbak mecha-kudiil, iskuedgin kwen nanejul. Tenal tule iskuedgin naneel, ampa aku Pab-Jesús-takmal, tegin Pab-Jesús-kwen-wichulbal.

⁷Nuskan-pilalmalad, tulemal pe-yardadamal. Imi tule napírra naneel, wedin Pab-Jesúsyob tule-napírragwad.

⁸Tenal nia-sagla kepe-sagla-akar iskuedgin nanedii-choggú, al tule iskuedgin naneel, nia-sagla-e-pakadmo. Al Pab-Machi noni, nia-sagla-immal-imaked opelogal.

⁹Imi meke-ibi-tule Pab-Tummad-e-mimmiiga kunonikil, Pab we tulegin maidbal, keg iskuedgin nane. Tenal Pab Tummad purpal we tule-omimmiles-choggú, al we tule keg iskuedgin nanebal. ¹⁰Tenal tule-iskuedgin-keg-naneedbal anmal wismaldo, toamala Pab-nuskan tegin toamala nia-nuskan.

Tenal meke-ibi-tule ib-nued kwen imajulil, Pab-nuskan-chul. Tenal meke-ibi-tule e-kwenadgan-kwen-pilalzhulil, ampa Pab-nuskan-chulmo.

**Tule-Pabbal-nanimalad aga
emal-emal pilalguenabmal**

¹¹Imi kepe-sagla-akar pemalga kusgu chogledanido: “Anmal aga emal-emal pilalguenabmal.”

¹²Imi anmal melle Caín yob kumalo. Tenal Caín din nia-sagla-pakad-ulgin aga e-upa-mecha. ¹³Imi Caín, ibiga aga e-upa-mecha, pe ebinzhe? Nabir. Imi Caín din Pabgaistar immal imas, tenal e-upa-Abeldín Pabga yer immal-imajadbal. Al Caín istar aga e-upa-taknonikidbal, e-upa-mecha.

¹³An-kwenamalad, imi tule-iti-napkin-pukmalad istar pe-takalil, pe melle weob pakal peimalo, tenal anmal keg-chulgu

weob wilegenabmal.¹⁴ Tenal anmal kwenadgan-pilaledbal pato wismaldo, anmal ilagwen-purkwed-igal ebesmal, tegin anmal ilagwen-tulleged-igalzhe togzhamalbal.

Tenal meke-ibi-tule kwenadgan-kwen-pilalzhulil, we tule ampa ilagwen-purkwed-igalgin kudii.¹⁵ Tenal meke-ibi-tule istar e-kwenad-takel, tule-mesmalad.

Tenal pe wismalbal, tule-mesmaladdin Pab-neggin ilagwen-pal-kwen-tullegojul-kuo.¹⁶

¹⁶ Imi Jesucristo anmalga purkwis-choggu, al anmal wismaldo, tule-pilalgued igi-itole. Tenal Jesús-anmalga-purkwijad-yopí anmal ampa kwenadganga kuakwa kudiguenabmalmo purkwegal.

¹⁷ Imi meke-ibi-kwenad-immalmal-nikad takalil kwenad-pid immal-kwen-nikchul kudii, tenal kwenad-immal-nikad kwenad-immal-nikchulid-kwen-pentaszhulil, ¿Pab-tule-pilaledyob nane pe ebinzhe? Chulá.¹⁸ Nuskan-pilalmalad, imi pemal melle pinche kaka-chunmakedbal tulemal-pilalguo. Tenal pe chunchunnad immal-imakedgin tulemal-pentako mag taklegal pedin chunchunnad tulemal-pilalmal.

Tule Pabbak kudiil, aga ulubgin akalzhul itogo

¹⁹ Imi animal pela-pela tulemal-pilalmaladbal, anmal nued wismaldo, anmal igal-chunchunnadgin nanedimal tegin animal igal-nikamalbal Pab-wagin naga ulubgin akalzhul-itogal an Pabbak kudii.²⁰ Tenal anmal aga ulubgin nuekwa kwen itojulil, Pab Tummad yabli an-ulubga pul tule-tummad, tegin Pab pel-kwapa immal-kujad-wisbal.

²¹ Kwenadgan-pilalmalad, imi anmal aga ulubgin akalzhul-itogel, anmal Pab-wagin akalzhul-itomogo.

²² Al anmal Pab-chogzhad-pallí kudiil, tegin anmal Pab-peigujiibdal immal imakel, anmal Pabzhe meke-ibimala ekişbídin, Pabdin anmalga uko.²³ Tenal Pab Tummad anmalga chogzhado, anmal e-Machi-Jesucristo-nuggin ibzheed-wilubmal. Tenal Jesús-anmalga-chogzhadbal anmal aga emal-emal pilalguenabmalbal.

²⁴ Tenal tule-Pab-chogzhad-pallí nanemaladdin Pabgin mai, tegin Pabde we tulegin maimo. ¿Tede animal igi wisgumalodé, Pab ankin mai? Nabir. Imi Pab anmalga E-Purpa-Nued-ukchadbal, anmal wismaldo, Pab anmalgin mai.

Kwenadgan pe nuekwá takenabmal, tule chunchunnad Pab Purpa Nuedbal chunmadanimal o chul-dewa

4 Kwenadgan-pilalmalad, imi iti-napkin ichejul Pab-kaka-palchoged-chunchunnadzhulmalad irmamal-choggu, al pe melle yogasal tule-chunmadanimaladgin ibzhemalo. Tenal pemaldin, pe we tule-wilub-takenabgwel Pab-Purpabal chunmajii o nia-purpabal chunmajimal.

² ¿Anmal igi wisgunoniko, tule Pab-Purpa-Nuedbal chunmajii-dewa o chul? Nabir. Imi meke-ibi-tule chogel, Jesucristo iti-napche chunchunnad sanal noni, we tule Pab-Purpa-Nuedbal chunmajii.

³ Tenal meke-ibi-tule chogel, Jesucristo sanal kwen nonijul, we tule Pab-Purpa-Nuedbal kwen chunmajul, we tule nia-purpabal chunma. Tenal tule-yami-Cristoyobtanikoed ampa nia-purpabal immal imanonomogo. Tenal pe itosmaldo, we purpa iti-napche noniko, tenal imidin pato kudii.

⁴ Nuskan-pilalmalad, imi pemal Pabgadmal, tegin Pab-Purpa-Nued-pemalgin-mai. Tenal Pab Purpa Nued, iti-napkined-purpa-iskanaga pul tule-tummad-choggu, al pemal

tule-kakanzhemaladgin nakwismal.
⁵Tenal tulemal-kakanzhemalad
 iti-napkinmalad-choggua, al immal-
 iti-napkinmaladginbi chunma, tegin
 tule-iti-napkin-pukmalad yer we
 tulemal-chunmaked itomal.

⁶Tenal animal Pabgad-choggua,
 al tule-pel-kwapa-Pab-wismalad
 yer animal-itomal. Tenal tule-
 pel-kwapa Pabgadzhulil,
 animal-kwen-itojulmal. Tenal
 an-pemalga-chogzhiidyob
 kunonikil, animal mag taknoniko,
 toa-tule Purpa-Chunchunnad-
 nika, tegin toa-tulemal
 purpa-kakanzheed-nikabal.

Pab kusgu pela-pela tule-pilal

⁷Kwenadgan-pilalmalad, imi
 tule-pilalgued Pab-akar tani-
 choggua, al animal aga emal-emal
 pilalguenabmalmo. Imi meke-
 ibi-tule, tule-pid-pilalel, Pabgin
 purpal mimmiles, tegin Pab-nued-
 wisbal. ⁸Tenal Pab kusgu pela-pela
 tule-pilal-choggua, al meke-ibi-
 tule, tule-pid-pilalzhulil, ampa
 Pab-kwen-wichulmo.

⁹Tenal Pab Tummad iti-napche
 e-Machi-Walkwénnagwad-
 palminoni, animal e-Machibal
 ilagwen-nadgu tullegal. Al
 mag taklenoni Pab Tummad
 chunchunnad animal-pilalgus.

¹⁰¿Imi animal kepegin Pab-
 Tummad-pilalgunoni pe ebinzhe?
 Chulá. Tenal Pab Tummad
 kepegin animal-pilalgunoni, tegin
 e-Machi-palminoni, immal-
 kugedgin-immal-uklegedyob
 animal-anal iskued penukkal. Wedin
 tule-pilalgued-chunchunnad.

¹¹Kwenadgan-pilalmalad, imi Pab
 Tummad pela-pela animal-pilalgu-
 choggua, al animal aga emal-emal
 pilalgued-wilubmalmo. ¹²Tenal
 tule Pab-Tummad-kwen-taktijulmal.
 Tenal animal aga emal-emal
 pilalmal, Pab Tummad animalgin
 mai, tegin Pab-tule-pilaled
 animalbal kep mag taklenonimogo.

¹³Imi Pab animalga E-Purpa-Nued-
 ukcha-choggua, al animal wismaldo,
 animal Pabgin mai, tegin Pabde
 animalgin maimo.

¹⁴Imi animal imial Jesucristo-
 takchadbal pemalga chogmal,
 Pab Tummad aga e-Machi-
 palmial pel-kwapa-iti-napkin-
 pukmalad-abonagal. ¹⁵Imi
 meke-ibi-tule chogel: “Jesús, Pab-
 Machi-chunchunnad,” Pab Tummad
 we tulegin mai, tegin we tule
 Pab Tummadgin maimo. ¹⁶Tenal
 animal mag taknonimal-choggua Pab
 animal-pilal, al animal Pab-penzhul-
 kunonimal, Pabde chunchunnad
 animal-pilal.

Imi Pab Tummad kusgu pela-
 pela tule-pilal. Al meke-ibi-tule
 tule-pilaledgin naneel, we tule
 Pab Tummadgin mai, tegin Pab
 Tummad we tulegin maimo.

¹⁷¿Ibiga Pab-tule-pilaled
 animalgin napífra oyolenoni pe
 ebinzhe? Nabir. Imi Pab tule-iti-
 napkin-pukmaladga-igal-itononikil,
 animal Pabyob iti-napkin tule-
 pilaledgin-nanajadbal, animal kwen
 tobguojul-kuo, tenal animal aga
 ulubgin akalzhul-itononimalbalo.

¹⁸Tenal animal chunchunnad
 tulemal-pilalel, animal kwen
 tobzhul-kuo. Tenal Pab-sapejul-
 tule-oturdakoedbal, tule
 kwakidago-choggua, al Pab-tule-
 pilaled-chunchunnaddin tobed-igegal
 tule-ima. Tenal tule ampa Pab-tobel,
 ampa napi pela-pela tule-pilalguag.
¹⁹Imi Pab kepegin animal-pilalgu-
 choggua, al animal Pab-pilalmalmo.

²⁰Tenal meke-ibi-tule chogel:
 “An Pab-pilal,” tenal we tule
 ampa istar kwenad-takel, we tule
 kakanchili. Tenal meke-ibi-tule
 kwenad-mag-taked-istar-taktii,
 Pab-Tummad-taktijulidbal zigi
 Pab-Tummad-pilalguagogo? Keg kue.
²¹Tenal Pab animalga chogzhado:
 imi meke-ibi-tule Pab-pilaled, we
 tule keg-chulgu aga kwenad-
 pilalguenabmalmo.

**Tule Pab-Machigin penzhulil,
iti-napkined-pinzheed-
igalgin nako**

5 Imi meke-ibi-tule penzhulil, Jesús Pab-akpene-chogzhad-palmidagoed-Cristo, we tule Pabgin purpal mimmiles. Teginbal, meke-ibi-tule Pab-Tummad-pilalel, we tule ampa Pab-Machi-pilalmo.

²Tenal animal Pab-pilalmaladbal, tegin animal Pab-chogzhad-pallí-nanedimaladbal animal nued wismaldo, animal Pab-nuskan-pilalmalmo. ³Tenal tule chunchunnad Pab-pilalel, Pab-chogzhad-pallí nanemal. Tenal tule Pab-chogzhad-pallí immal imagal, wedin twagdar peyedzhe ib-tutujul chul, wedin pul lolló.

⁴Tenal meke-ibi-tule Pabgin mimmilesmalal, we tule pato iti-napkined-pinzheed-igalgin nakwemalo. Tenal animal Jesúsgin-penzhulidbal iti-napkined-pinzeed-igalgin nakwemalmogo.

⁵¿Tede toa-tulemalzhun iti-napkined-pinzheed-igalgin nako? Nabir. Tenal tule Jesúsgin penzhulil Jesús Pab-Machi-chunchunnad, we tulemalbi iti-napkined-pinzheed-igalgin nakwemalo.

**Tule-Pab-Jesúsgin-
penzhulmalad nued
wismal emalde ilagwen-
nadgu tullego**

⁶Imi tule-tibal-tegin-abebal-nonikid, wedin Jesucristo. Tenal Jesucristo tiginbi kwen nonijul, tenal Jesús abebal nonibal. Tenal Pab Purpa Nued ib-chunchunnadginbi unnila chunma-choggu, al Pab Purpa Nued Jesucristogin chog: "Wedin Pab-Machi."

⁷Tenal immal-chogpágwad oyonai, Jesucristo Pab-Machi-chunchunnad. ⁸Tenal we immal-chogpágwad, Pab Purpa Nued, tegin ti, tegin abe. Tenal

we immal-chogpágwad ampa yopí Jesucristogin chunmananimal.

⁹Tenal animal tule-chunmakedbal ibzhemal, tenal Pab-Tummad-chunmaked tule-chunmakedga pul chunchunnad-choggu, al animal pul-pule Pab-Tummad-agá-E-Machigin-chunmakedgin ibzheed-wilubmal.

¹⁰Tenal meke-ibi-tule Pab-Machigin penzhul-kunonikil, we tule aga ulubgin mag itononiko Jesucristo Pab-Machi-chunchunnad. Tenal meke-ibi-tule Pab-Machigin penel, we tule Pab-Tummad-e-Machigin-chunmajad kwen ibzhejulidbal kakanchiliga Pab-Tummad-imanoni.

¹¹¿Imi Pab Tummad, aga e-Machigin igi chunmas pe ebinzhe? Nabir. Imi Pab Tummad chogdo, ede animalga igal-ukcha ilagwen-nadgu tullegal. Tenal tule-ilagwen-nadgu-tulleged e-Machigin tani. ¹²Tenal tule chunchunnad aga ulubgin Pab-Machi-nikal, we tuledin ilagwen-nadgu-tullego. Tenal tule aga ulubgin Pab-Machi-nikchulil, we tule ilagwen-nadgu pal kwen tullegojul-kuo.

¹³Imi pemal-Pab-Machigin-penzhulmaladga an weob karta nermasdo, pemal nuekwa wisgumalgal pemal ilagwen-nadgu tullego.

¹⁴Imi animal nued wismaldo, animal Pabzhe kolalil, tegin animal Pab-peigujiidbal immal ekisel, Pab animal-itogo. ¹⁵Tenal animal nued wismal-choggu Pab keg-chulgu animal-itogo, al animal nued wismalbaldo, animal Pabzhe meke-ibi-immala ekisel, animal-Pabzhe-immal-ekichijadyob Pabdín amalga immal imako.

¹⁶Imi pe kwenad-takalil iskuedgin kudiai, tenal we iskued tule-mejed-chulil, pedin, pe we kwenadga Pabzhe kolo. Tenal Pab kannan we tule-iskudiid-nudagalbal. Tenal antin iskued-lologanaginbi chunma.

Tenal kwen iskued nika, tule-mejed. Tenal pedin melle iskued-tule-mejedga Pabzhe kolmalo.¹⁷ Tenal tule immal-akalomalad, pel-kwapa iskuedbi. Tenal iskued chogbo nika, kwen tule-mejed tegin kwéntin keg tule-mejed.

¹⁸ Imi animal nued wismaldo, meke-ibi-tule-Pabgin-mimmilenonikil, keg iskuedgin nane. Tenal Pab-Machi nuekwa we tule-chabogo, tenal nia-sagladin we tule-kwen-onaklik-chaojulbal.

¹⁹ Tenal animal nued wismalbaldo, animal Pab-nuskan. Tenal iti-nap-naid-ugakche tule-pukmalad nia-saglaje kalesbukmal.

²⁰ Tenal animal nued wismalbaldo, Pab-Machi noni animal mag immal-itogal. Al animal mag Pab-Machi-chunchunnad-wisgunonimal. Tenal animal Pab-Machi-chunchunnadgin mai. Tenal Pab-Machi-chunchunnaddin Jesucristo. Wedin Pab-chunchunnad tegin ilagwen-nadgu-tule-otulogedbal.

²¹ Nuskan-pilalmalad, wijirmalo, aga pe nue takermal Pab-Tummaganyob chowal-mimmigan-chobalmaladzhe. Pitomalgu.